

(mafumofumo) kubucelo, accilungulungu, masakati, kumazuba alimwi amasiku.

Mupailo omwe ulakonzya kutola ciindi cishonto kuucita, uuguminizya kupeta zyili mu Quran, kulyaaba, kulumbaizya Allah, alimwi akweendeenda kunji kunji. Kukulibambila kukupaila, ba Muslim balasamba tumwi tubeela twamibili yabo, mbuli kumeso alimwi amaanza kucita kusalala munyama alimwi a mumoza.

### 3. Kugwasya Kwamwaka Amwaka

Kugwasya kwamwaka amwaka mulimo wa mu Muslim omwe uutobela nzila zymwi (mukozyanyo ngwakuvwuba atala aceelekelo cipedwe)

Cibeela cabili acisela camwaanda cabuvubi mumwaka lulapegwa kuli baabo beelela kupegwa, mbuli bacete, bapengele nokuba baabo bali muzikwelete. Isalazya buvwubi bwamuntu alimwi bunyamuna bubotu bunji kuli sikupa alimwi asikupegwa. Cimwi cazyibotu citole ansi mwaako akati kabavwubi alimwi abacete, kucita kuti bavwubi alimwi abacete, woose babe azyintu ziyandika kumuntu.

### 4. Kuliimya Amwaka

Cipa kusalazyigwa kwa moza, kubambwa, kubikkilila alimwi cipa bubotu bwanseba zyinji.

Ramadan mwezi wa fwuka mucibala mazuba cama Muslimm.

### 5. Lweendo Lwakuya ku Makkah

Lweendo lwakuya ku dolopo lisetekene lya Makkah, mucisi ca Saudi Arabia, yeelele kucitwa ciindi comwe mubuumi bwa muntu, kuti kabacikonzya kweenda alimwi kabali aalubono.

Lulacitwa mwaka amwaka mumwezi wakumi ayobile mucibala mazuba ca Islam, kuswaanganya bantu bamishobo yoonse, mubala, ciimo alimwi amusela mbuli mbobaswaangana kukukomba Leza Omwe Alikke. Olu lweendo lupati luzwide zyibeela zyinji kujata miyasilo. Kweenda alimwi akupaila muzyooko zyinji. Lweendo luliboobu mbumi bwakulibambulula alimwi cipa muntu kulitola ansi, kubacita kulibombya alimwi akulumba.

Boonse basilweendo basama zisani zikozyenye zitaduli, cigusya kwaandaane muzilengwa a buvwubi, kutegwa kuti boonse kabaimwii kweelana kumbele a Leza.

### Muzeezo Wakukomba

#### Kufumbwa micito Allah ulakkomana.

Muzeezo wa Islam wakukomba tausinkilile kumisemo iili yosanwe pe. Kukomba ngwakujatikizya zyoonse kufumbwa micito iboteleza kuli Allah. Micito yabuzuba abuzuba ilakonzya kuba micito yakukomba kwiinda mukulisalazya mizeezo yamuntu omwe omwe alimwi micito yamuntu kuti kiili munzila yomwe amalailile aaLeza. Mikozyanyo ijatikizya kumwena mwena, kuba muntu mubotu kuli basimukoboma, kugwasya mukwashi umwi, kushomeka, alimwi akugusha matombe kuzwa munzila.

Ceelele kulangisya kuti Allah tayandi kukomba kwa muntu, pele tuyanda nguwe alimwi kukomba kwesu kuli aabulumbu.

### Mamanino

Cibeela zyalushomo zyaambwa alimwi amicito yakukomba ipanga muzeezo wa Islam.

Kuti yacitwa, Islam ilazuzikizya zyintu ziyandika kubantu zya moza, zya buntu, zya mumizeezo alimwi zyintu ziyandisi, alimwi mbumi bwakucita alimwi bukkalikene. Atala aawo, mbumi bwalikke buyo butambwidwe a Leza Singuzu, alimwi njakazila kalikke katola ku Paladiso litakamani.

**“Kuliyoooyo uucita bululami, abe mulombwana naa mukaintu, kuti kashoma – Tuyakumucita kasimpe kuti apone buumi bubotu alimwi kasimpe tuyakumupa bulumbu bwakwe (mubuumi buboola) mbubona bwaakalicya kuzuunyana.”** Quraan 16:97.

# Zya Islam

Majwi mashonto

Kwiiya matalikilo

Kuti kamuyanda twaambo tunji tunji:

[www.islamic-invitation.com](http://www.islamic-invitation.com)

[www.Islamicpamphlets.com](http://www.Islamicpamphlets.com)

التعريف بالإسلام باللغة التونجا

[www.islamic-invitation.com](http://www.islamic-invitation.com)

## Zya Islam

Lukondo lwa Islam ndolukondo lwabuumi buzulide mububambe bwao. Cikulwaizya umwi kupa kuteelela akuswaangana mubunyina a Mulengi wabo (Leza).

Lulayiisya kuti bantu bajane lukkomano lwamasimpe lutamani a lumuno kwiinda kuba muni a Leza, kuccilila malailile akucita milimo yakwe mibotu.

Ba Muslim bazuzya cibeela comwe casanu munyika yoonse mboizulwa, ncocipa kuti Islam ibe inkombo imwi impati akati ka nkombo zyoonse. Lushomo abukombi muli Leza Omwe Wakasimpe ngomuzeezo wabuumi akuswaangana kwa Islam.

Ibballa lya ci Arabu 'Islam' mubufwaafwi lipandulula kuti kulipa kuli Leza Omwe Wakasimpe Alikke. Ooyo uulisungula akulyaaba kuli Leza witwa kuti mu Muslim, walo ukonzya kuzwa kumbala na mushobo uuli oonse.

Caandaanya Islam akati ka nkombo zyinjizyi ni cakuti tiilyakauzyikwa a muntu na amushobo.

## Zyibeela zili Cisambomwe izya Lushomo

### 1. Lushomo muli Allah.

Allah ndiziyina lyacigaminina lya Leza Omwe Wakasimpe.

Allah ndiziyina lyandeene lya ci Arabu lya Leza Omwe Wakasimpe. Allah, unyina basinkondonyina, beenzyinyina, beelene aanguwe, bana na bazyali. Tali mbuli zylengi ziyakwe, kunyina zyaabana anguwe zyabu Leza abululami Bwakwe bulondokele. Amwi mazyina Aakwe aakutembaula ngaaya: Mulengi, Siluzyalu Mupati, Sijulu Lya Majulu, Singuzu Zyonse, Sibululami, Sibusongo Wa Basongo, Sibukwabilizi Alimwi ngu Siluziyibo Wa Zyoonse.

Ngo Mulengi alimwi ngo Mukwabilizi wa boonse, walo nguutupa zileleko zitabaliki zyonse, mbuli bube bwakumvwa, kubona, akuyeeya, akuba akucikonzya kweenda, kwaambaula, alimwi akucikonzya kuzwidilizya zyintu. Aboobo twelele kubweza luziyibo Lwakwe, tumulumbe akumukomba Alikke, kwiinda mukuccilila malailile Aakwe.

### 2. Kushoma mu Bangeli

Bangeli balapangwa kuzwa kumumuni, bapedwe bukutausyipi pele alimwi kunyina nobamutyompya pe Mulengi wabo. Bamwi bakazubululwa mbuli Gabriele walo uuleta mulumbe wa Leza kubashinshimi, alimwi mungeli walufu ubweza myuuya yabantu.

### 3. Lushomo mu Mabbuku Azubulwidwe

Allah wakatuma cizubuluzyo cabu Leza kubatumwa bakwe. Mbuli mubulailile Bwakwe alimwi aluzyalu kumuntususu. Akati ka zyezyo kali Torah, alimwi a Mulumbe Wamakani Mabotu mbuli mbo ziyakazubululwa kale kuli Moses (Musa) a Jesu (Issah) mukutobelana, alimwi a Quran mbuli mboiyakazubululwa kuli Muhammad (Luumuno Alube Alimbabo Boonse).

Quran majwi mashoonto a Leza alimwi ncizubuluzyo camamanino kumuntususu woonse. Kuli maleele a

zyitondezyo zyitankomene mukutondezya kuti Bbuku eli lizwa kuli Leza. Mikozyanyo imwi njakuti:

· Ijisi makani aasalala, aavwumbanyika aayo akwelezya bushomi bwa muntu bujatikizya Mwami Leza.

· Ilaa mushobo waandene uuziyidwe vumbanyika mbuli musemo wa ci Arabu uunyina kamaama alimwi a mulaka mweebesi – kakuli Quran yakazubululwa ku Mushinshimi Muhammad (Luumuno Alube Alinguwe) walo wakazyidwe kalekale kuti taakacizyi kubala a kulemba.

· Ilaa twaambo twabuziyibo lwaba haabupampu lwabwini lwalo lwakajanwa onoono nakuba kuti lwakazubululwa myaka yakainda cuulu comwe amyaanda yone (1400).

· Yakabambwa bbala a bbala, kuzwa ciindi noyakazubululwa kamatalisho aamushobo wa ci Arabu, kutali mbuli magwalo amwi alo akapindamunwa, aakacinccwa akusweeka.

Aamwi maleele a Quran n'gakuti lilaangulukile kuli kubisigwa naanka kukazyanya.

Kwalo bupanduluzi butandabele tupati akati kazyintu zyaandeele alimwi amaleele aa Quran, n'gakuti cizwa buyo kuli Leza Alikke kusanganya atwaambo twini twini alimwi amicito ya Mushinshimi Muhammad (Luumuno Alube Kulinguwe), ngamatalikilo aa luziyibo lwa Islam.

### 4. Lushomo mu Bashinshimi

Ba Muslim bashoma kuti zyuulu zyuulu zya bashinshimi bakatumwa a Allah, omwe omwe kucisi comwe comwe, kupa cizubuluzyo ca Leza. Bamwi baabo ba shinshimi ngu Adamu, Noah, Abraham, Davida, Josefwa, Musa, Jesu alimwi a Muhammad (Luumuno Alube Kulimbabo Boonse). Mulimo wabo wakali wakupilusya bantu kukukomba Leza Wakasimpe Alikke, kukubeleka mukozyanyo uubeleka mbuli mbokuteelelwa Leza, alimwi akulailila bantu kukanzila kakulufutuko. Bashinshimi tabaabani kukabeela kamwi kabulemu bwa Leza, alimwi akufumbwa mushobo wamupailo nakuba kukomba ku bashinshimi, nokuba kuli Leza kwiinda mulimbabo, cilakasigwa bunene alimwi caamba kuti ncizubuluzyo ca Leza weelele kukombwa Alikke.

### - Mushinshimi Jesu

Ba Muslim bashoma kuti Jesu Mushinshimi ulemekwa wa Leza. Wakazyalwa mumaleele kwiinda muli ba Mama Malia, uutanalidwe nkwele amulombwana. Wakacita maleele manji manji akuzumiziyigwa a Leza, mbuli kuponya baciswa, kuponya boofu alimwi akwaambaula mbuli mwana mumvwanda, kukwabilila banyina bakwe kuzwa kukutamiziyigwa. Nokuba kuti ba Muslim balalemeka alimwi akuyanda Jesu, tabamukombi pe. Tali wabaabo baitwa kuti Mwana a Leza, naba wa mutwe wa bu Leza, nokuba kwaabana mazyina amwi aasalala aa Leza.

Leza ulaamba: **“Taceelele kuti Allah kubweza mwana musankwa mbuli mbwasumpukide walo! Naamba kuswaangana, walo waam –** Quraan: 19:35

### - Mushinshimi Muhammad

Muhammad (Luumuno Alube Kulinguwe) wakali Mushinshimi wamanino wakutumwa kumuntu woonse.

Wakaboola a Bbuku lya Quran, kutondezya mbuli njiisyo yayo mubyeedele kweenda, alimwi wakali mukozyanyo uli londokede wakushomeka, uululeme, uulaankumbu, uulaalubomba, uulakasimpe, alimwi muntu sichamba. Mbubona mbuli Jesu, ba Muslim tabamukombi Muhammad pe.

### 5. Lushomo mu Buzuba bwa Lubeta

Buzuba bwa Lubeta nciindi ciyandisi omwe omwe wesu nayakwiima kumbele lya Mulengi wesu akubuziyigwa abubotu abubi bwa milimo yesu. Micito yomwe yomwe iyakuzulwa kufumbwa iili buti.

Mubuzuba oobu bupati, Allah Uululeme koonse koonse, uyakutubamba twaambo toonse kakunyina kusalaula alimwi kunyina muntu uyakuppegwa cizyole. Lwaanguluko lwa omwe omwe luyoopilusiyigwa boonse bayakulangwa akululama abulumbu bwa Paladaiso na cisubulo ca kalambwe kamulilo.

Kakunyina Buzuba bwa Lubeta buumi tabukabi kabotu kabobotu kutali boonse bayakujana kululama munyika eyi.

### 6. Lushomo ku Masimpilo Aabuumi

Allah ulizi zyoonse kuzwa kale kale, zyasunu, alimwi kufumbwa ziyaciindi ciboola. Ulijisi nguzu atala a zyoonse zyintu, kunyina ciliko kakunyina luzibo Lwakwe alimwi akuzumiziyigwa.

Kufumbwa muntu ulipedwe lwaanguluko lwakusala akati kabobotu abubi alimwi aumwi uyakupa kaamboni buzulide.

Lwaanguluko lwa kusala talukazyanyi kaambo kakuti zyiindi ziyicitika buyo aluziyibo lwa Leza akuzumiziyigwa. Alimwi tacaambi kuti nguzu zya Leza atala azyoonse zikasya nokuba kusinkila lwaanguluko lwakusala lwabantu. Luzibo lwa Leza kukusala kwabantu tacaambi kuti balasinkiliziyigwa kuti bape kusala kwamushobo uuliboobo alimwi Leza takkomani kuzyintu zyoonse ziyazumizya kuti ziyibe.

### Misemo Yosanwe Yakukomba Matalikilo aabuumi bwa Muslim

#### 1. Bwaanze bwa Lushomo

Bwaanze bwa lushomo kuzyala kwabumboni kuti kunyina Umwi weelele kukombwa ccita Allah, alimwi Muhammad ngo Mutumwa Wakwe.

Cilede a lushomo lwiimuwinji alimwi luzuunyene mumoyo, luccililene amicito. Kubwaambizi butandabele obu, muntu weelede kukaka toonse tu leza twabubeji, kabasyanikizya buyo kuti Allah (Leza) nguweelede kukombwa Alikke, alimwi ulatambula Mutumwa Wakwe wamanino, nkokuti waba mu Muslim.

#### 2. Mipailo Yosanwe Mubuzuba Abuzuba

Mupailo ulakkazyika kuswaangana kwabantu alimwi mumoza akati kaba Muslim a Mulengi wabo, alimwi nciyeezyo cikkele cibeleda camulimo wa muntu kuteelela Leza.

Mipailo iili yosanwe ilapandululwa yomwe yomwe